

---

OFFERYNNAU STATUDOL  
CYMRU

---

**2022 Rhif 722 (Cy. 160)**

**Y DRETH GYNGOR, CYMRU**

**Rheoliadau'r Dreth Gyngor  
(Diwygiadau sy'n Ymwneud â  
Diystyriadau Disgownt ac  
Anheddau Esempt) (Cymru) 2022**

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau'r Dreth Gyngor (Darpariaethau Ychwanegol ar gyfer Diystyriadau Disgownt) 1992 ("y Rheoliadau Diystyriadau Disgownt") a Gorchymyn y Dreth Gyngor (Anheddau Esempt) 1992 ("y Gorchymyn Anheddau Esempt") i sicrhau nas effeithir ar ddiystyriadau ac esemptiadau sy'n bodoli eisoes o ganlyniad i unigolion a dderbynnir i'r Deyrnas Unedig o dan Gynllun Cartrefi i Wcráin Llywodraeth y DU ("y Cynllun Cartrefi i Wcráin") yn preswyllo mewn eiddo y mae'r diystyriadau a'r esemptiadau hynny yn gymwys iddo.

Mae adran 11 o Ddeddf Cyllid Llywodraeth Leol 1992 ("Deddf 1992") yn darparu y bydd swm y dreth gyngor sy'n daladwy mewn cysylltiad ag annedd drethadwy ar unrhyw ddiwrnod yn ddarostyngedig i ddisgownt sy'n hafal i'r ganran briodol o'r swm hwnnw os ar y diwrnod hwnnw:

- (a) bod gan annedd un preswlydd yn unig ac nid yw'r preswlydd i'w ddiystyru at ddibenion disgownt neu fod gan annedd ddau neu ragor o breswylwyr a bod pob un ohonynt heblaw un i'w diystyru at ddiben disgownt; neu
- (b) nad oes gan yr annedd unrhyw breswlydd neu fod gan yr annedd un neu ragor o breswylwyr a bod pob un ohonynt i'w diystyru at ddibenion disgownt.

Y canrannau priodol yw 25% mewn perthynas ag (a) uchod a 50% mewn perthynas â (b).

Mae Atodlen 1 i Ddeddf 1992 yn rhestru'r personau sydd i'w diystyru at ddiben penderfynu i ganiatáu disgownt. Mae rheoliad 5 o'r Rheoliadau Diystyriadau

Disgownt yn rhestru dosbarthau ychwanegol o bersonau sydd i'w diystyru.

O dan adran 4(1) o Ddeddf 1992, mae'r dreth gyngor yn daladwy mewn cysylltiad ag anheddau nad ydynt yn esempt. Mae'r Gorchymyn Anheddau Esempt, a wnaed o dan adran 4(3) o Ddeddf 1992, yn rhagnodi dosbarthau o anheddau sy'n esempt rhag y dreth gyngor.

Mae rheoliad 2 o'r Rheoliadau hyn yn diwygio'r Rheoliadau Diystyriadau Disgownt i ragnodi personau sy'n bresennol yn y Deyrnas Unedig o dan y Cynllun Cartrefi i Wcráin fel dosbarth ychwanegol o bersonau i'w diystyru at ddiben cyfrifo'r disgownt o dan adran 11 o Ddeddf 1992.

Mae rheoliad 3 yn diwygio'r Gorchymyn Anheddau Esempt i ddarparu bod esemptiadau sy'n ymwneud ag anheddau a feddiennir pan fo unigolion a dderbynnir i'r Deyrnas Unedig o dan y Cynllun Cartrefi i Wcráin yn preswyllo mewn anheddau o'r fath yn Lloegr hefyd yn gymwys i anheddau yng Nghymru. Mae rheoliad 3 hefyd yn ymestyn yr esemptiadau hynny i anheddau penodol eraill yng Nghymru.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal aseiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

---

OFFERYNNAU STATUDOL  
CYMRU

---

**2022 Rhif 722 (Cy. 160)**

**Y DRETH GYNGOR, CYMRU**

**Rheoliadau'r Dreth Gyngor  
(Diwygiadau sy'n Ymwneud â  
Diystyriadau Disgownt ac  
Anheddau Esempt) (Cymru) 2022**

*Gwnaed* 28 Mehefin 2022

*Gosodwyd* gerbron *Senedd*  
*Cymru* 30 Mehefin 2022

*Yn dod i rym* 21 Gorffennaf 2022

Mae Gweinidogion Cymru yn gwneud y Rheoliadau a ganlyn, drwy arfer y pwerau a roddir i'r Ysgrifennydd Gwladol gan adran 4(3)(1) o Ddeddf Cyllid Llywodraeth Leol 1992(2), a pharagraff 11 o Atodlen 1 iddi, ac a freinir bellach ynddynt hwy(3).

**Enwi a chychwyn**

1.—(1) Enw'r Rheoliadau hyn yw Rheoliadau'r Dreth Gyngor (Diwygiadau sy'n Ymwneud â Diystyriadau Disgownt ac Anheddau Esempt) (Cymru) 2022.

(2) Daw'r Rheoliadau hyn i rym ar 21 Gorffennaf 2022.

---

(1) Gweler adran 116(1) o Ddeddf 1992 am y diffiniad o "prescribed".

(2) 1992 p. 14.

(3) Trosglwyddwyd swyddogaethau'r Ysgrifennydd Gwladol, i'r graddau yr oeddent yn arferadwy o ran Cymru, i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672), ac Atodlen 1 iddo. Trosglwyddwyd y swyddogaethau hynny wedi hynny i Weinidogion Cymru yn rhinwedd paragraff 30 o Atodlen 11 i Ddeddf Llywodraeth Cymru 2006 (p. 32). Caniateir i'r pŵer i wneud gorchymyn o dan adran 4 o Ddeddf Cyllid Llywodraeth Leol 1992 gael ei arfer i wneud rheoliadau yn rhinwedd adran 39 o Ddeddf Deddfwriaeth (Cymru) 2019 (dccc 4).

**Diwygio Rheoliadau'r Dreth Gyngor (Darpariaethau Ychwanegol ar gyfer Diystyriadau Disgownt) 1992**

2. Yn rheoliad 5 (dosbarthau rhagnodedig) o Reoliadau'r Dreth Gyngor (Darpariaethau Ychwanegol ar gyfer Diystyriadau Disgownt) 1992(1) ar y diwedd mewnosoder—

*“Homes for Ukraine Scheme*

(8) Class H: a person who holds permission to enter or to stay in the United Kingdom granted under the Homes for Ukraine Sponsorship Scheme route in Appendix Ukraine Scheme to the Immigration Rules(2).”.

**Diwygio Gorchymyn y Dreth Gyngor (Anheddau Esempt) 1992**

3.—(1) Mae'r diwygiadau a wnaed i Orchymyn y Dreth Gyngor (Anheddau Esempt) 1992(3) (“Gorchymyn 1992”) gan erthygl 3 o Reoliadau'r Dreth Gyngor (Diystyriadau Disgownt ac Anheddau Esempt) (Diwygio) (Lloegr) 2022(4) yn gymwys mewn perthynas ag awdurdodau bilio yng Nghymru.

(2) Mae paragraff (1) yn ddarostyngedig i'r diwygiadau a wneir i Orchymyn 1992 gan y Rheoliadau hyn.

(3) Mae Gorchymyn 1992 wedi ei ddiwygio fel a ganlyn.

(4) Yn erthygl 2(3A)(5) ar ôl “dwelling” mewnosoder “in England”.

(5) Yn erthygl 3, yn Nosbarth X(6), yn lle paragraff (2)(b) rhodder—

“(b) “relevant person” means—

- (i) a person falling within paragraphs (i), (ii) or (iii) of paragraph (2)(a) of Class N above; or
- (ii) a relevant Ukrainian person; and”.

(1) O.S. 1992/552, a ddiwygiwyd gan adran 2(3) o Ddeddf Tiriogaethau Prydeinig Tramor 2002 (p. 8), O.S. 1992/2942, 1993/149, 1995/620, 1997/657, 2005/3302 (Cy. 256) a 2019/431 (Cy. 100). Mae offerynnau diwygio eraill nad ydynt yn berthnasol i'r Rheoliadau hyn.

(2) <https://www.gov.uk/guidance/immigration-rules/immigration-rules-appendix-ukraine-scheme>. Mae'r Rheolau Mewnfudo wedi eu gosod o dan adran 3(2) o Ddeddf Mewnfudo 1971 (p. 77). Mae'r rheolau mewn perthynas â'r Cynllun Noddi Cartrefi i Wcráin wedi eu nodi yn UKR 11.1 i UKR 20.2 o'r atodiad. Mae “Permission to enter” a “permission to stay” wedi eu diffinio yn rheol 6.2 o'r Rheolau Mewnfudo: Cyflwyniad (<https://www.gov.uk/guidance/immigration-rules/immigration-rules-introduction#intro6>).

(3) O.S. 1992/558.

(4) O.S. 2022/439.

(5) Mewnosodwyd erthygl 2(3A) gan O.S. 2022/439.

(6) Mewnosodwyd Dosbarth X gan O.S. 2019/432 (W. 101).

*Rebecca Evans*

Y Gweinidog Cyllid a Llywodraeth Leol, un o

Weinidogion Cymru

28 Mehefin 2022